

開州志卷一

知州事嘉應陳兆麟續纂

地理志

嘗攷周禮保章氏以星土辨九州之地職方氏以地圖正邦國之域所以辨其山川原隰與人民財用無不詳盡用能周知其利害志地理者先考正疆域斯民物政事胥統焉矣舊志紀沿革於疆域之前列山川於形勢之後序次未免失宜夫疆域未分安知歷代之沿革山川弗辨詎識形勢之變遷至於莊村關隘可知險阻古蹟陵墓亦廣見聞雖風俗不無厚薄之分實地氣各有

開州志

卷之一

地理 星野

剛柔之別他若災祥兵燹亦皆境內事也因併依次附錄以備稽考焉志地理

星野

史記天官書營室至東壁并州又注星經云室壁衛之分野

漢書地理志衛地營室東壁之分壘也

晉書天文志自危十六度至奎四度爲諏訾於辰在亥衛之分野又注費直起危十四度蔡邕起危十度

舊唐書天文志營室東壁陬訾之次亥初起危十三度中室十二度 奎一度其分野自王屋太行而東盡河

內之地北負彰鄴東及館陶聊城東盡漢東郡之域

地理通釋自危十七度至奎四度曰豕韋之次今衛分

野按豕韋一名陬訾

舊志按唐沙門一行書媯訾居水行正位分野當中州河濟之間于國爲衛又曰自坤抵艮爲地紀自乾攜巽爲天綱其分野與帝車相值皆五帝墟叶北官之政者媯訾也實爲顓頊之地今開爲顓頊故都其爲媯訾之分無疑

疆域

州境東西廣百五十里南北袤百八十里

開州志

卷之一

地理 疆域

一一

東至山東濮州六十里

東南至山東曹州百三十里

南至東明縣九十里

西南至河南滑縣九十里迤西至長垣縣百二十里

西至河南濬縣九十里

西北至河南內黃縣六十里

北至清豐縣四十里

東北至山東觀城縣六十里

北至大名府城百三十里

北至保定省城八百八十里

東北至

京師千二百三十里

山川

歷山 按史記負夏春秋時爲衛地尚書大傳帝負販於頓邱就時於負夏又按虞帝思親操云陟彼歷山兮崔巍河水洋洋兮清冷今東郭望有虞帝廟其地相傳爲古歷山

鮒鰮山 按洪洋山南義井里有土埠與洪洋相去五里許中若斷若連俗傳鮒鰮山卽洪洋山州人王曰銓號鮒鰮山人山海經漢水出鮒魚山爲顓頊及九嬪葬

開州志

卷之一

地理 山川

三

處鰮字無禹旁又大荒之中河水之間附禹之山帝顓頊與九嬪葬焉附禹非鮒鰮字鮒鰮當別爲州境之山與山海經所載異

洪洋山 在州東南三里土井里土岡綿亘南北數里按大名舊志洪洋山在開州東南故名魚山北有七空浮翠橋元明道郎真人嘗居此山下有真人墓

衛陽山 在州東南寰宇記衛陽山在濮陽縣東南二十里居衛之陽

金沙山 在州治學宮迤東按宋史高宗本紀建炎二年金人陷開德府守臣王棣死之續資治通鑑建炎二

年十一月金人攻澶淵顯謨閣學士知開德府王棣率軍民固守金人爲僞書至城下曰王顯謨已歸汝百姓何敢拒師軍民聞之欲殺棣棣走至南門爲軍民踐死城遂破事聞贈棣資政殿學士是城亡與亡者乃王棣非楊棣也數百年來姓氏混淆幾于湮沒舊志正前志之誤允足傳信今亟從之

雞鳴山 在州城內儒學北百餘步舊志相傳昔有仙人居住聞雞鳴于此

呂團岡 在州東南李村里舊志土岡隆起秀而野曠

龍泉岡 在州清河岸舊志岡上有寺因名

開州志

卷之一

地理 山川

四

望河岡 在州清河里高可二丈許通志清河之勝舉在目睫而河在其西南登眺者必先焉

杏花岡 在州清河北岸隄口名勝志杏花岡者昔人嘗于此種杏遊賞競集故名通志岡高約二丈上可

坐三百人下臨河水上有觀鳧亭舊志岡有大杏數株環列岡上花開爛熳可愛沙雲野鳧上下掩映蓋澶之勝地也杏樹後爲土人所伐惟存觀鳧亭及舊碑在焉明嘉靖間知州朱紉築王崇慶有詩銘今亭亦廢云

翠花岡 在州城南三里俗名翠花岡東卽浮翠橋與洪洋山相映

郭威岡 在州南澶陂按通鑑五代漢乾祐三年軍上擁立處

李家岡 在州南澶陂中按通鑑五代唐李存審練兵於此

嶺子頭 舊志在城東東郭里按東郭里有岡嶺卽古厯山南有岡頂寺北卽嶺子頭

十壘頭 在州西南二十里按通鑑五代唐李亞子與王彥章戰處

古黃河 故道有二一自河南滑縣流入北下過州之小屯莊張家莊聶堦等村經戚城西轉而東北入清豐

開州志

卷之一

地理 山川

五

縣界此西漢以前黃河經行之故道也漢書武帝紀元光三年河水徙從頓邱東南流入渤海夏河水決濮陽汜郡十六發卒十萬救決河水經東北逕戚城西一統志經開州西北又東北經清豐縣南今州西北有黃河故道卽此一自滑縣流入東行滙爲黃龍潭又迤邐而東過州城南門至清河店之西東北下經臨河故城轉而西北過田村等莊又轉而東北委折五十餘里至孫固城入清豐縣界滙爲瀦龍河此東漢以後厯晉唐五代至宋仁宗時黃河經行故道水經河水東逕鐵邱南東北流逕濮陽縣北爲濮陽津一統志經開州西南又

東北經清豐縣南今州城南黃河故道卽此其自州昌湖卽古商胡東北出逕清豐又北逕大名元城之東者乃宋時北流故道禹貢錐指慶曆八年自澶州東北三十里商胡埽決而北逕清豐縣西又北逕南樂縣西又北至大名府東北合永濟渠入冠氏縣卽此河也

按禹貢東過洛汭至於大伾北過泲水至於大陸是黃河自大伾山之西由東北入海固未嘗入開也自周定王五年河徙自宿胥口東行至章武入海始入州境漢武帝元光三年河決濮陽瓠子爲州水患之始成帝建始四年復決於東郡王延世塞之至王莽始建國三年

開州志

卷之一

地理 山川

六

河徙從千乘入海州仍爲河衝歷晉唐五代及宋澶州水患屢告至仁宗慶曆八年河決商胡南北分流由商胡入清豐是爲北流至金章宗明昌五年河愈南徙北流閉絕開州之河始空是河之在州境者凡千八百餘年今陵谷變遷境內河道多已就湮然考求遺蹟其經行故瀆猶可想見自金明昌後偶有溢入者不過荆隆等口泛漲蓋數一百年一遇焉非河之正流也

按咸豐五年河決銅板箱至十年漸入州南界同治三年北徙抵金隄蘆村郎中清河頭等莊俱淹沒六年復南徙自竹林經毛茈至州司馬焦邱安二頭習城俱爲

河正流南築官隄北有民堰光緒六年十月初決自高
家莊橫流東南

硝河 在州西一統志源出濬縣流經滑縣分爲二一
東流經開州西爲馬頰河又東北經戚城北又東滙爲
趙村陂陂舊有河蹟北入清豐界嘉慶十一年州牧李
符清重修道光十五年州牧林靖光親率臨波十八莊
分工疏修復丈量順河內地十餘里作價每畝大錢叁
干河無水時仍令地主耕種不准平毀河道至白倉北
會傅家河

毛相河 在州東南卽濮水也說文濮水出東郡濮陽

開州志

卷之一

地理 山川

七

水經注濮渠東逕須城北又北逕襄邱亭南又東逕濮
陽縣故城南又東逕離狐縣故城南明統志濮水在開
州東南六十里一統志濮河自河南封邱縣流入經長
垣縣北又東經東明縣南又東經開州東南合洪河入
山東濮州界俗訛爲普河按毛相河舊本小渠康熙六
十年荆隆口決始衝成大河因過毛相村遂名毛相河
西南承漆水由山東荊澤縣界北下入州界過東西蘭
溪等村西南承洪河倉馬河諸水又西南承白溝灘之
水東北流入山東濮州界東南承東西無名河卽濮水之
水嘉慶八年故道被黃河沙壅十餘里河自古墩臺之

南忽轉而東而北而西再入故河武祥屯等村甚被其害又北過楊家樓西納澶州陂馬駕柳青瓠子諸河流入濮州與魏河會此現在經行之道也

澶水 在州西南一名繁泉一名浮水今名澶州陂春
秋襄公二十年盟於澶淵杜預注澶淵在頓邱縣南今名繁汙寰宇記澶淵在臨河縣東南十七里

按宋史開寶四年河決澶淵後河南徙遂成大陂南北約十餘里東西如之蓋亦大河分流也其水由州南界流入東經八里莊爲馬駕河又東爲柳清河又東爲魯家河又東會瓠子河入濮州界舊志云至清河頭分爲二一入濮州一入清豐以今考之入濮州者會魏河東下入清豐者卽俗名波河是也

開州志

卷之一

地理 山川

八

瓠子河 在州東史記河渠書元光中河決瓠子東南注鉅野通於淮泗蘇林曰瓠子河在鄆城以南濮陽以北廣百步深五丈許水經瓠子河出東郡濮陽縣北注縣北十里卽瓠子河口也漢元封二年塞瓠子口築宮於其上名曰宣房宮故亦謂瓠子堰爲宣房堰平帝以後未及修理永平十二年顯宗詔王景治渠築隄瓠子之水絕而不通惟溝瀆存焉寰宇記瓠子口在濮陽縣西南十七里河津是也今瓠子河水自澶州陂來 南

注會毛相河入濮州界

洪河 在州南通志自滑縣衛南陂分流入東明縣經洪門村雲台口又經南關東關東北至芟河入州界經橋口老君堂冷家莊永樂村漢邛東注曹家樓韓家崗又東北注莊戶村後史家潭會毛相河入濮州界嘉慶八年黃河漫溢支流入洪河者至漢邛分爲二一比入沙河經陳家樓之西習城之東東北注穆家樓李家窪六市忠陵東注於倉馬河又東北入毛相河一東注曹家樓至韓家崗被黃河沙壅里餘上有所承下無所洩至九年大雨連綿水之東注者不歸莊戶故道橫逆四

開州志

卷之一

地理 山川

九

出至十月田方涸出

漆河 在州南習城莊岔河頭南一里許通志源自河南原武縣黑陽山流逕東明縣西漆隄北又東抵縣北關外又東合於洪河今漆河自東明縣北注入州境東北流至蘭溪莊入毛相河

魏河 在州東卽瓠子下游也東流至王家橋入濮州清河 在州東二十里通志澄碧汪洋居民因造紙爲業長數里清河漁唱爲州八景之一

白溝河 在州南寬約三四里上承滑縣諸水入州境由呂邛店北流又東與毛相河會

倉馬河 在州東南七十里順治六年荆隆口決始冲此河白溝洪河之水俱注於此東流入毛相河

淇河 方輿紀要淇水自濬縣合衛河支流復引而流入開州又東北入內黃及清豐界按州城北有復關隄口西南爲平濟橋水北流出復關隄口歷黃濱王合越清豐故城至張家莊有古頓邱碑記通志淇水在開州今涸

胡柳陂 在州東南五代史梁貞明四年晉王存勗與梁軍大戰於胡柳陂以今考之地在胡壯柳寨之間

黑龍潭 在州西南舊志瓠子河口大旱不竭俗稱龍

開州志

卷之一

地理 山川

十

湫龍湫烟雨爲州八景之一

蓮花潭 舊志在黑龍潭南三里方五六頃每秋水泛溢則二潭相通

西湖 在州治西南一統志舊時河流匯入積而成湖周數百畝後涸舊志西湖秋水爲八景之一

蓮花池 在儒學後舊志池水淵潔後壅塞明知州李迪臺存道相繼濬治

寒泉 在州南詩衛風爰有寒泉在浚之下水經注浚城側有寒泉岡世謂之高平渠非也通典寒泉在濮陽

縣東南

泉源洞 在州北寰宇記衛詩云泉源在左淇水在右
衛女思歸之處也名勝志泉源洞距戚城南北三十五
里

御井 在州治南一統志泉極甘冽宋真宗駐蹕時所
鑿舊志御井甘泉爲州八景之一

按澶淵爲古大河經行之地在大名諸州縣最處窪下
當夏秋之際雨三日二日適爲漑滋稍遲之旬日則臯
隰皆爲巨浸蓋曠然平陸邛阜相亘而無丈尺之渠以
瀦瀉其間宜乎水患之屢告也考郡國利病書曰鑿開
州之南隄疏衛南陂之水東北合澶淵東注之以入於

開州志

卷之一

地理 山川

十一

張秋鑿硝河東西二支一則由內黃入大名之梅內口
一則由開之戚城寨趙村陂傅家口之東折者而直入
於岳儒固大者廣一十丈小者減三之一深特十之一
而旁甃以隄隄之左右分疏田間水道仿江南旱涸之
法而穿埧於隄之下以瀉隄所阻捍之處如此則衆水
各有所歸當不至一遇靈潦橫逆四出然蓄瀉之法北
地未易奏功今特附誌於此以俟後之講求者耳

隄埧附

鯀隄 在州西十里寰宇記在臨河縣西十五里自黎
陽入界鯀治水所築

復關隄 在州南門外寰宇記在臨河縣南三百步黃河岸北

金隄 在州南一統志隄繞古黃河歷開州清豐南樂大名東北接館陶卽漢時古隄也

宋隄 在州南一里郡國利病書宋熙甯間河決明道先生判州時所築

南隄 一統志自滑縣來經州東七十里郵城鄉分五道入山東范縣界

北隄 一統志自滑縣入至清豐與南隄皆宋時遺蹟
夾隄 在州南十五里

開州志

卷之一

地理 堤埽

十二

韓村隄 在州南七十里舊志此隄外爲滑水水發則入州無所洩故築隄禦之

司馬隄 在州東南嘉慶八年秋封邱漫口黃水自長垣東明流入州境知州李符清率州判李武曾在司馬集僱民夫二千餘人築隄七十餘里西北數百村得免水患咸豐五年河決銅板箱至同治六年司馬焦邳安二頭俱爲河正流光緒元年州牧陳兆麟協鎮張桂芳督催附近六十三莊修隄五千餘丈

靈平埽 在州西南別駕里宋孫洙靈津廟碑熙甯十年河決曹村明年四月治河者創爲橫埽之法以遏絕

南流五月朔新隄成河旋北流奏入詔名埽曰靈平
按宋史河渠志澶州有濮陽大韓大吳商胡王楚橫隴
曹村依仁大北岡孫陳固明公王八凡十三埽蓋當時
河患頻仍故築隄下埽以遏其流今河已南徙諸埽皆
無所存聊志其名以示不忘 之意云爾
形勢

方輿紀要州肘腋大梁襟帶東郡

調山東東昌府境

春秋時衛

都于此與齊魯相雄長秦末項羽由此扼章邯後漢之
季吕布亦爭此以抑曹操蓋其地濱河距濟介南北之
間常爲津要五代時晉王存勗與梁人力戰于河上德

開州志

卷之一

地理 形勢

十三

勝兩城爲必爭之險石晉慮契丹爲後世患徒澶州于
德勝後契丹入寇屯元城趙延壽請于契丹曰晉軍悉
在河上不如卽其城下四合攻之奪其浮梁則天下定
矣契丹遂進營城北宋景德初契丹南犯寇準力勸親
征御北城門樓而契丹氣沮宋人以澶州爲大梁北門
安危所繫也今大河南徙形勢稍移然川原平曠道路
四通居然衝要矣

通志川原縈帶河朔奧區疆場恢拓畿南重鎮

舊志衛地西阻太行北逾衡漳東南跨河懷衛汲鄴澶
相滑濮皆其境也而開居諸地之中自唐立藩鎮魏博

一軍增領澶州號稱最強迨五代朱梁與晉夾河用兵
陣壘相望蓋地介中原上游勢所必爭宋禦契丹屹爲
重鎮悉天下兵力聚于澶滑之間宋史置武威寬翼宣
義効忠等軍于澶滑
之 徽宗時以此州爲北輔置總管做西京焉豈不以城
雉雄峻人習挽強憑河爲固可以扼要害歟自河漸徙
而燕薊建都宋之北門今且爲南郡矣
沿革

開州古顓頊之墟

爾雅顓頊之墟虛也

左傳衛顓頊之虛也

開州志

卷之一

地理 沿革

十四

史記帝顓頊皇甫謐注都帝邳今東郡濮陽是也

禹貢兗州之域夏時爲昆吾國

後漢書郡國志濮陽古昆吾國

方輿紀要帝邳夏爲昆吾氏所居國語曰昆吾爲夏伯
是也

春秋曰帝邳爲衛都

左傳衛遷于帝邳杜預注東郡濮陽縣故帝顓頊之墟

故曰帝邳

前漢書地理志濮陽注衛成公自楚邳徙此

戰國曰濮陽仍爲衛都

史記世家衛嗣君五年更貶號曰君獨有濮陽

秦置濮陽縣爲東郡治

史記世家始皇五年并濮陽爲東郡

漢因之

西漢會要東郡秦置漢十一年罷東郡頗益梁後復爲郡

元和郡縣志秦置東郡理濮陽漢仍爲東郡及濮陽縣方輿紀要漢仍曰濮陽縣亦爲東郡治

莽曰治亭

前漢書地理志東郡注秦置莽曰治亭屬兗州

開州志

卷之一

地理沿革

十五

後漢仍曰濮陽爲東郡治魏因之

後漢書郡國志東郡領縣首濮陽

補三國疆域志東郡領縣八首曰濮陽

晉初改置濮陽國仍治濮陽縣東晉後郡移治鄆城以濮陽爲屬縣

晉書地理志濮陽國故屬東郡晉初分東郡置

宋書州郡志東郡屬兗州晉咸甯二年係三年之誤封子允

以東不可爲國名東郡有濮陽縣故曰濮陽國允改封淮南還曰東郡趙王倫篡廢太孫臧爲濮陽王郡名遂不改領縣首廩邱元嘉十二年以鄆城并入

北魏因之

魏書地形志濮陽縣注二漢屬東郡晉屬濮陽郡

隋屬東郡

隋書地理志濮陽東郡屬縣注開皇十六年分置昆吾

縣煬帝初入焉

方輿紀要隋初廢濮陽郡濮陽縣屬魏州尋屬滑州煬帝初復置東郡以濮陽爲屬縣

一統志隋開皇十六年析臨河頓邛內黃三縣置澶淵縣屬汲郡唐武德初改曰澶水屬黎州四年屬澶州貞觀初還屬黎州十七年省

開州志

卷之一

地理沿革

十六

唐濮陽縣屬濮州

括地志濮陽縣古昆吾國也在濮州西八十六里

元和郡縣志濮陽縣上東至濮州八十里本漢舊縣也

舊唐書地理志濮陽隋舊縣武德四年分置昆吾縣八

年省併入濮陽

五代晉自頓邛移澶州治夾河復移濮陽縣入州治開運初升爲鎮甯軍節度

舊五代史晉高帝紀天福三年升澶州爲防禦州移于德勝口爲治所割濮州濮陽縣隸澶州少帝紀開運元年升澶州爲節鎮以鎮甯爲軍額割濮州爲屬郡

寰宇記晉天福三年自舊澶州移于夾河造舟爲梁頓
邱縣亦隨州移理四年又移濮陽縣于州之南郭漢乾
祐元年移州就德勝寨故基周世宗又移今理

宋曰澶州澶淵郡鎮甯軍節度崇甯中建爲北輔後升
爲開德府宣和初罷輔郡屬河北東路

宋史地理志開德府上澶淵郡鎮甯軍節度本澶州崇
甯四年建爲北輔五年升爲府宣和二年罷輔郡仍隸
河北東路

方輿記要宋仍曰澶州注熙甯九年移于今治

金初仍曰澶州皇統中始改曰開州屬大名府路

開州志

卷之一

地理沿革

十七

金史地理志開州中刺史宋開德府澶淵郡鎮甯軍節
度降爲澶州皇統四年復更今名

元因之

元史地理志開州上唐澶州宋升開德府金爲開州元
割開封之長垣曹州之東明來屬領縣四以濮陽爲倚

郭

明初省濮陽縣入州治屬大名府

明史地理志開州洪武二年以州治濮陽縣省入領縣
二長垣東明

國朝仍屬大名領長垣縣雍正間以領縣屬府

莊村

東門

東關廂

王家莊轄九村

至州一里

劉張村

宋家村

黃家樓

王家村

李家隄

寶家莊轄四村

至州五里

吉家村

楊家村

張家莊

趙家隄

王家村

前寶家村

龍家村

後寶家村

田丈莊轄十一村

至州十里

賀家村

陳家村

三家店

後田丈

前田丈

樊家村

魯家五星

劉家五星

侯家五星

晁家五星

管家五星

開州志

卷之一

地理 莊村

十八

前得勝莊轄六村

至州五里

杜家村

鐵爐村

谷家莊

得勝屯

王家莊

後得勝莊轄八村

至州十二里

裴家屯

王家莊

孫家莊

邢家莊

賈家莊

槐家莊轄十四村

至州二十里

陳家莊

河南陂

賈家莊

黃家村

安家村

邢家村

盆劉家

劉爐村

雷家莊

草廟村

牛家莊

吳家隄口

壬呂村

韓家隄口

清河頭莊獨莊

至州二十里

北昌湖莊轄三村

至州二十五里

焦寨

七寶寨

北昌湖

南昌湖莊轄九村 至州三十里

小大韓 昌湖村 楊家村 劉家莊 焦家村
趙家寨 葛家寨 柴家村 東劉家村

大韓莊轄七村 至州三十里

大韓村 觀音店 韓家村 高家村 于家村
七娘寨 小七娘寨

南寨莊轄五村 至州二十里

巴家村 柘桑樹 梁家莊 田家莊 南寨村

新寨莊獨莊 至州二十里

孟莊轄十三村 至州三十五里

李家莊 魯家河 劉家坊 閻王廟 花李家
高家莊 王家樓 李家屯 賈家屯 后柏桃
高廟 許家屯 水楊家

開州志

卷之一

地理 莊村

十九

大張莊轄十三村 至州三十五里

柏桃集 西大張 湯家莊 東大張
辛家樓 趙家樓 牛大張 中大張 袁家樓
郭家樓 牛家莊 程家莊 孟家莊

馬羨莊轄七村 至州二十五里

王家馬羨 張家馬羨 史家馬羨 胡家馬羨 谷家馬羨
董家馬羨 後岡上

胡壯莊轄二十三村 至州三十五里

馮家寨 東郭集 後柳村 前柳村 石槽村
後薛家店 前薛家店 張家寨 尚家村 胡壯集
前胡壯 楊家寨 宮家寨 孫家張温 賈家寨
前張温 陳家寨 王家寨 咸城莊 西咸城
後張温 五合村 霸王集

十八郎莊轄二十一村 至州四十里

十八郎 張家莊 白樓村 張郭村 後張郭
前張郭 興張村 老什村 王家莊 楊家莊
左家店 曹家店 李家莊 小寨 單家寨
揣家莊 蕭家莊 馬家莊 高家莊 申家莊
大寨

柳下屯獨莊 至州四十里

榆林莊轄十六村 至州四十五里

谷家拐 朱家海 李家莊 韓家莊 吉家窪
劉家拐 張家寨 木岸村 晁家寨 小吉家村
後吉家村 前吉家村 于林頭 棗林村 西劉家莊
劉家莊

馬二寨轄七村 至州五十里

馬二寨 毛家崗 杜母寺 曲六店 黃家廟
小黃家村 小木岸

朔村莊轄十四村 至州六十里

開州志

卷之一

地理 莊村

二十

虎山寨 劉家小寨 這河寨 棗科村 士林頭
花家莊 蕭家樓 趙家莊 小集 後朔村
東張家莊 陳家窩 陳家堤 前陳家

北道期莊轄二十六村 至州五十里

李家道期 戶部寨 小李家莊 郝家道期 任家莊
何家莊 王家莊 孫家莊 後李家莊 高家莊
任家道期 遂家莊 江家莊 張家堂 侯李家
雷家莊 孟家莊 減場村 東高家莊 杜家莊
東王莊 小張村 小王家村 後郭張村 興隆集
大張村

南道期莊轄十七村 至州七十里

榆園村 田家樓 戚家莊 許家莊 任家隄口
李家海 辛莊 許家小集 許家窩 沙窩
小屯 馬家莊 大屯 林家莊 張家村
孫祥屯 黃家莊

盆城莊轄三十四村 至州六十里

趙家壩堆	楊家莊	盛家莊	吳家莊	丁家莊
小柳村	任家莊	王侍郎寨	吉侍郎寨	張侍郎寨
張家屯	前草場	後草場	王家莊	安家盆場
張家盆城	董家莊	虫王廟	巴家村	趙家莊
小濮州	黑馬莊	邵家莊	郭龍莊	卜家莊
大劉莊	小劉莊	吳家桃園	王家桃園	王老桃園
張家桃園	西草場	劉家樓	陳家桃園	

新城莊轄二十九村

至州五十五里

文堙寺	田家莊	大崔家莊	袁家莊	胡家莊
韓家堂	蘆禮村	高家莊	桃家莊	張家莊
王家莊	馮家樓	後馮樓	漫杜村	銀堙村
東酸棗廟	西酸棗廟	劉蕭寨	小劉莊	張家樓
邢家堂	東安樓	西安樓	尚家樓	賈陶寨
李家拐	馬寨	曹家樓	小寨村	

文留莊轄三十一村

至州五十里

文留集	前南孟	後南孟	孫家南孟	張家莊
小崔莊	王家莊	西王蕭寨	李蕭寨	東王蕭寨

開州志

卷之一

地理 莊村

二十一

顧頭村	刁小寺	王小寺	李小寺	朱小寺
龍宿村	顧家莊	丈壩集	朱家莊	竇家樓
杜家莊	孟英村	柳河寨	王家樓	王名屯
林家莊	前杜壩	後杜壩	翟家莊	邢家屯
小辛莊				

密城莊轄十七村

至州六十五里

苗家莊	李家拐	西孫密城	耿密城	李密城
田密城	尹密城	胡密城	張密城	孟密城
西王密城	東王密城	東孫密城	申密城	毛密城
時密城	棗科村			

石墓頭莊轄十二村

至州六十里

王家樓	後劉莊	李家拐	蓋家莊	小劉家莊
石墓頭莊	許家莊	前李家莊	王家莊	南劉家莊
牛家莊	傅家莊			

武祥屯莊轄八村

至州七十里

焦家莊 李家莊 楊家樓 欒家莊 吉家莊
武祥屯 高家莊 管家莊

王稱堙莊轄十五村 至州七十里

范家莊 白家莊 孫家莊 韋家莊 杜家莊
王家樓 半波店 常家莊 小屯 後李家莊
前李家莊 石家莊 張家莊 劉家莊 王稱堙

白堙莊轄十六村 至州七十里

車家莊 大劉家莊 李家莊 龐家莊 馬家莊
姜家莊 朱家莊 管家莊 小劉家莊 齊東家莊
范耿家莊 毛家莊 辛莊 白堙莊 小朔村
杜家莊

夾堙莊轄五十村 至州六十里

王家郭村 東王郭村 太原集 耿家郭村 西王家郭村
東尹郭村 西尹郭村 楊家郭村 西楊郭村 謝家郭村
王家樓 李家郭村 牛家莊 蕭家堙堆 夾堙集
萬家寨 郭家莊 金堙集 苗家屯 王家樓

開州志

卷之一

地理 莊村

何家寨 趙家莊 三米寨 秦家莊 范家寨
樂家屯 車家莊 閻家村 獅子寺 林家寨

雷家寨 第五寨 許家莊 劉家莊 黃家堙
徐家樓 陳家營 龐家寨 董家樓 楊家樓

常家柳村 楊家莊 小常莊 石家樓 王柳村
劉柳村 小辛莊 東楊樓 後夾堙 夏家郭村

劉家樓莊轄十九村 至州六十里

王張莊 王蘇莊 周家廟 寺台村 齊家莊
王家莊 關家莊 張家莊 清河寨 牙荳屯
小集上 蘭家莊 花家莊 邳家莊 林家寨
韓家樓 辛莊 靳家莊 金堙集

南門

南關廂

平土莊轄六村 至州十五里

謝家店 水牛李寨 王降雲頭 後油房 前油房
李家樓

安樂莊轄十村

至州十五里

魏家寨 前馬家寨 小辛莊 馬家拐 李家寨
郝家寨 前呂家寨 後呂家寨 于家村 桑園

東土井莊轄十二村

至州十五里

杜家寨 齊王廟 池家寨 趙家寨 梨岸村
田家村 楊家寨 高家城 陳家草廟 李家草廟
安家寨 東郭城

史軍集轄十村

至州十八里

史軍集 王家樓 張家樓 蘇家樓 郭家寨
田家寨 徐家寨 孟家寨 呂家寨 張家灣

五星莊轄四村

至州十八里

五星集 前五星 西五星 東五星

留城莊轄五村

至州二十里

開州志

卷之一

地理 莊村

二十三

留城村 邢家莊 李家寨 前三教堂 後三教堂

主布村莊轄十三村

至州三十里

主布村 單家樓 石家集 倪家寨 李家海
段家主布 前崗上 后崗上 貫寨村 張家寨
趙家寨 黃家寨 瞿家主布

八公橋莊轄十二村

至州四十里

八公橋集 龐家寨 靳家寨 張家路口 前韓信
東韓信 西韓信 安家寨 郝家寨 林家寨
竇家寨 劉家垆堆

竹邨莊轄十六村

至州四十里

小竹邨 大王莊 爐裏村 草場村 東花園
西花園 後花園 東夏木 西夏木 前夏木
大山村 郭家莊 賈家莊 小山村 楊家寨
呂家海

紅凌莊轄二十二村 至州四十里

馬家樓 熬鹽莊 劉家海 楊隆廟 後小王莊
吳家棗林 段家寨 蓋沙口 小王家莊 曹家樓
紅凌店 燕家寨 賈家寨 葛家寨 西史家樓
彭家樓 靳家寨 于家寨 高家寨 秦家棗林
史家棗林 王家棗林

高廟莊轄十二村 至州四十五里

谷家樓 史家樓 辛莊 劉家莊 鬼家樓
穆家樓 何家寨 葛家寨 于周屯 苗家屯
楊家莊 五馬村

保安集獨莊 至州五十里

吉村莊轄八村 至州五十里

蔡吉村 後李吉村 崔吉村 前李吉村 任吉村
馬吉村 王吉村 韓家吉村

開州志

卷之一

地理 莊村

二十四

善見莊轄十六村 至州五十里

崔家寨 田家拐 苗家油房 陳家寨 仲家拐
台張家莊 張家莊 李家寨 杏元村 武家寨
王家樓 王家莊 朱油房 蔡油房 楊家莊
趙家寨

棠林莊轄六村 至州四十五里

山王家寨 展 邛 王家海 小 集 張家寨
丁家寨

白邛莊轄十村 至州五十五里

李家大郭 祝家大郭 梁家大郭 賈白邛村 西白邛村
東白邛村 李家白邛 馬家白邛 魯家樓 白家莊

王羨莊轄六村 至州五十五里

張家紫第 後霍家營 前霍家營 入碾村 陳家寨
尚家寨

中大郭莊轄十二村 至州六十里

前趙家堂 東大郎中 于家大郭 閻家大郭 徐家寨
後趙家堂 西大郎中 宋家寨 張家屯 晁家屯
趙家屯 馬家屯

道仙莊轄二十村 至州六十里

高家寨 張道仙 李家莊 宋家樓 魯家寨
宋家寨 金家莊 曹家莊 魏家莊 田家莊
前穆家樓 後穆家樓 巴家胡同 張家寨 董家寨
馬家海 小郎中集 小高家寨 申家寨 南遊

習城莊轄四十二村 至州七十五里

習城集 南北街 周家寨 劉家寨 徐家寨
郭家寨 李家拐 劉家拐 吳家莊 趙家樓
陳家樓 後曹家樓 前曹家樓 燕家寨 菜家口
王家莊 張家拐 冷家莊 張家莊 杜家橋
皇家莊 孫家莊 岔河頭 杜家莊 王家橋
岳家莊 黃家莊 後河口 前河口 韓邱村
永樂村 郭家莊 紅家莊 杜家莊 鄭家樓
祥家寨 老君堂 井家莊 橋口村 蕭家樓

開州志

卷之一

地理 莊村

二十五

李家菜園 孟家莊

王定莊轄十一村 至州五十里

晁家寨 王定後樓 翟家寨 王定集 黃家寨
靳家拐 晁家拐 王家拐 湯家寨 八勸村
長樂亭

九章莊轄十一村 至州五十里

王家九章 河套村 李家九章 芳家八勸 趙家八勸
屠家八勸 廉家八勸 馬北遊店 孔北遊店 楊北遊店
王北遊店

六市莊轄十五村 至州六十五里

六市集 李家寨 成家相蘆 羅家相蘆 郝家相蘆
張家寨 丁家寨 王家寨 馬家寨 毛家寨
陳家寨 桑家寨 長樂亭 鮑家寨 閻家寨

大寨莊轄七村

至州六十里

聶家大寨 梁家大寨 劉家大寨 尹家大寨 程家大寨
韓家大寨 王家大寨

曹二寨轄十二村

至州六十里

大曹莊 後范家寨 前范家寨 清古莊 程家寨
小辛莊 田家寨 吳家寨 劉家寨 晁家樓
董家寨 廉家莊

徐鎮莊轄三村

至州六十五里

徐鎮集 西公村 後公村

黃二寨轄六村

至州六十五里

王家寨 劉耿寨 宋家寨 高家寨 任家樓
袁家寨

平安莊轄五村

至州六十五里

開州志

卷之一

地理 莊村

二十六

前彭貫寨 後彭貫寨 劉家莊 小辛莊 小蘭溪

中凌莊轄四村

至州六十五里

翟中凌 程中凌 李中凌 武中凌

蘭溪莊轄二十一村

至州八十里

大蘭溪 封家寨 張家莊 韓家寨 鐵刀廟
任家寨 後家寨 大辛莊 劉家寨 高家莊
袁家莊 前李升屯 後李升屯 前高家莊 南北莊
邢家莊 李家莊 李家樓 東小屯 屯莊村
喬家莊

段二寨莊轄十四村

至州八十里

段二寨 昌家寨 朱家樓 大高家莊 小高家莊
閻家樓 杜家寨 細城莊 晁家莊 火神廟
張莊 馬家海 趙家寨 蓋家寨

馬李莊轄七村

至州八十里

後家寨

王家寨

連山寺

馬李集

常馬家寨

蘭河口莊轄九村

至州八十里

王家莊

張家樓

李家莊

蘭家寨

魏家寨

花園屯莊轄二村

至州三里

小隄

花園屯村

火廂頭莊轄五村

至州七里

火廂頭

宋隄口

劉家隄口

前徐家寨

後徐家寨

八里莊轄二村

至州八里

東八里莊

西八里莊

開州志

卷之一

地理 莊村

二十七

義井莊轄五村

至州十里

西葛邨

東葛邨

後義井

大義井

小義井

胡邨莊獨莊

至州二十里

大陳莊轄七村

至州十三里

三家店

後大陳

前大陳

後李子園

前李子園

梁二莊轄八村

至州十七里

劉家梁莊

王家梁莊

崔家梁莊

閻家莊

鄒家舖

店子莊獨莊

至州二十三里

前胡邨莊獨莊

至州二十里

王村莊獨莊

至州二十里

掘地莊轄三村

至州二十里

大王掘地

史家寨

趙家寨

小營莊獨莊

至州二十三里

子岸集莊獨莊

至州二十五里

中西子岸莊轄二村

至州二十三里

中子岸

西子岸

沙窩莊轄六村

至州二十里

後沙窩
姚家寨

中沙窩

前沙窩

新莊

齊勸

化寨
柳村

莊轄四村

至州三十里

西化寨

中化寨

東化寨

柳村

開州志

卷之一

地理 莊村

二十八

文家寨莊轄十村

至州三十里

楊家衛衙
劉家寨

前文家寨

卓家賈村

田家賈村

高家寨

艾家莊轄九村

至州三十里

後河溝
汪家寨

前河溝
季家寨

段家寨
中河溝

東李家寨
程家寨

西李家寨

楊村莊轄七村

至州三十二里

前楊村
後貫道

夏家寨
前貫道

常家寨

江家莊

安家莊

副將營莊轄九村

至州三十二里

副將營
李于林頭

後鄭家寨
張于林頭

前鄭家寨
西辛莊

劉于林頭
東辛莊

位于林頭

減杜莊轄十三村

至州四十五里

李家減杜
侯家減杜

朱家減杜
趙家寨

杜家樓
劉家灣

寨城
馬家莊

黃家莊
減杜店

前趙家寨 繩郎村 田家滅杜

慶祖莊獨莊 至州四十里

武陵莊轄六村 至州四十里

後武陵 中武陵 前武陵 小王家店 潘家寨
曾小邙

大桑樹莊獨莊 至州三十五里

黃邙莊轄六村 至州三十八里

遂家寨 翟家寨 張家寨 楊家黃邙 田家寨
范家寨

樂村莊轄八村 至州三十八里

後樂村 前樂村 毛家寨 小辛莊 後孫寨
前孫寨 劉六堂 張賈村

兩門莊獨莊 至州五十里

開州志

卷之一

地理 莊村

二十九

郎家莊轄四村 至州四十五里

郎家寨 朱家月城 王家月城

姚家寨

還城莊轄十四村 至州五十里

孟還城 劉還城 張家莊 梁還城 北辛莊
羅家拐 趙還城 鐵家爐 安還城 孫還城
駱家營 楊家營 陳家營 盧家營

新屯莊轄三村 至州五十里

新屯村 盧家水屯 王家水屯

西邙店莊獨莊 至州五十里

西大郭莊轄五村 至州五十里

前後爐里 李家寨 唐家寨 賈家寨 張家寨

鎖城莊轄十九村 至州五十里

後康莊 前康莊 白家拐 李家寨 許家寨

鄭家寨 呂家寨 宋家寨 喬家寨 劉家寨

商家寨 曹家寨 後王家拐 林家寨 孫家寨

前王家拐 董家莊 何家寨 王家寨 前孟居村 後孟居村 劉家呂邳 甘家呂邳

孟居莊轄四村 至州六十里

海通集 雙廟 張家海通 曹家海通 後桑園

前桑園 劉海通 武家廟 劉新莊 沈家拐

張呂邳村 陳呂邳村 耿呂邳村

安二頭莊轄十四村 至州七十里

開州志

卷之一

地理 莊村

三十

劉家寨 張家海 李家寨 王家寨

司馬莊轄九村 至州七十里

位家寨 趙家寨 張家寨 杜家寨 黃家寨

司馬集 齊海家 翟家莊

蘧村莊轄十村 至州八十里

牛家寨 後陳家寨 中陳家寨 前陳家寨 蘧村集

葉家莊 後柿子園 黃邳莊 閻家樓 前柿子園

安邳莊轄二村 至州八十里

南戶莊轄三村 至州八十里

前南戶 後南戶 趙家莊

芟河莊轄五村 至州八十里

前西南寨 後西南寨 王家芟河 吳家芟河 周家芟河

稱勾灣莊轄十三村 至州七十五里

劉稱勾灣 王稱勾灣 馮稱勾灣 李稱勾灣 俞家集
店門村 前巴家寨 田家莊 後巴家寨 草坡
前武家寨 後武家寨 劉家寨

韓村莊轄八村 至州八十里

謝家店 高家寨 郝家寨 張家寨 王家莊
朱家樓 李家莊 李家屯

大浪口莊轄十三村 至州九十里

大浪口 三河口 劉家莊 李家樓 王家莊
韓家樓 瓦屋寨 曹家店 長村李家 黃家莊
鄭家樓 鄧家樓 尚家寨

五家營莊獨莊 至州五十里

開州志 卷之一 地理 莊村 三十一

太平莊轄三村 至州四十五里

太平村 康家小邨 袁家小邨

仲桑園獨莊 至州五十二里

楊柳舖獨莊 至州三十里

油房莊轄十一村 至州三十里

油房村 前李村 王丁村 陳丁村 谷丁村
大井村 李丁村 六城 後李村 馮丁村
東李村

西門

西關廂

聶村莊轄七村 至州四里

轟村 前永安 後永安 蔡家寨 李家莊
郭家寨 馮家寨

鐵邱莊轄七村 至州五里

鐵邱村 胡家北旺 卓家北旺 徐家北旺 前漳消
中漳消 後漳消

丁家寨莊轄六村 至州八里

丁家寨 油房村 東康呼 劉家康呼 後康呼
西康

大屯村莊轄三村 至州十里

崔家寨 赤田寨 大屯村

李家莊轄六村 至州十里

申家寨 李家莊 施家屯 後河村 段李家莊
西李家屯

趙家莊獨莊 至州十里

開州志

卷之一

地理 莊村

三十二

三義莊轄四村 至州八里

東李家村 段家村 趙家寨 靳家寨

王助莊轄六村 至州十二里

王助集 宋家郭村 彦家隄 西郭村 鐵爐村
彭家寨

小屯 白家屯 莊獨莊 至州十二里

郭家寨獨莊 至州十二里

張家莊獨莊 至州十二里

黃甫莊獨莊 至州十五里

夾隄莊轄八村 至州十八里

慕家莊 小隄村 小寨村 王家莊 夾隄村
侯家道口 鹿鬪村 牛家莊

新習集莊轄四村 至州十八里

寺 尚 土壘頭 張家莊 新習村

焦二寨莊轄十村 至州二十里

劉家寨 倉上村 馬家靈平 董家靈平 吉家靈平
常家靈平 姚家寨 焦家寨 李家靈平 杜家寨

灣子莊轄十村 至州二十五里

後丁家寨 中丁家寨 前丁家寨 前灣子 後灣子
范家寨 七公寨 盧家寨 李家沙窩 小大韓

聶堦莊轄六村 至州二十五里

安家莊 東聶堦 西聶堦 賈家河 北後河
劉家莊

清波店莊轄六村 至州四十里

馬家新莊 小宿集 李家莊 王家新莊 柴 村
火燒店

開州志

卷之一

地理 莊村

三十三

薛化莊轄十村 至州五十里

干口村 劉家邢堦 温家邢堦 馬家邢堦 尚家莊
前化村 中化村 後化村 薛 村 破車口

六村莊轄六村 至州六十里

牧家六村 焦 村 陳家六村 代家六村 袁家六村
北六村

北冷店 莊轄五村 至州七十五里

梨 園 東河道 西河道 東梨園 西梨園

井店集莊獨莊 至州七十里

北門

北關廂

黃濱莊轄二村 至州三里

前黃濱 後黃濱

馬家莊獨莊 至州六里

戚城莊轄二村 至州十里

戚城 戚城屯

王合莊轄四村 至州十里

龐家王合 裴家王合 胡家王合 蔡家王合

馬呼屯莊轄六村 至州六里

温家莊 位家莊 馬呼屯 麻家莊 小馬呼
榮家灣

白倉莊轄二村 至州十五里

白倉集 東白倉

開州志

卷之一

地理 莊村

三十四

趙村莊轄三村 至州十五里

前趙村 後趙村 搖子村

南里上莊轄三村 至州二十五里

南里上 王家莊 祈家莊

北里上莊轄二村 至州二十五里

北里上 王家莊

孟村店莊轄二村 至州二十五里

孟村店 西孟村

舊寨莊轄八村 至州三十里

孫家舊寨 王家舊寨 張家舊寨 宋家莊 李家村
孟家村 金家舊寨 位家村

夢科集莊獨莊 至州三十里

北大賢莊轄八村 至州三十五里

王家村 後蘆里 前蘆里 邢家小寨 張家莊
趙家小寨 惠家小寨 王家村

干城莊轄三村 至州三十里

波裡村 東千城 新田村

黃城莊轄二村 至州三十里

黃城集 宗家昌湖

田莊轄三村 至州四十里

韓家莊 南田莊 北田莊

東北莊轄四村 至州四十里

開州志

卷之一

地理 莊村

三十五

小岳村 邢家莊 瓦崗莊 東北莊

岳村莊轄三村 至州四十里

西岳村 岳村集 巴家村

李信莊轄十村 至州五十里

新河寨 何家寨 許家莊 大勾寨 周家村
小木岸 呼駝村 瓦屋村 河套灣 石頭店

劉貫寨莊轄五村 至州四十里

岳家隄口 劉四公寨 大劉貫寨 小劉貫寨 胡家寨

正波莊獨莊 至州四十里

元楚莊轄八村 至州四十里

高家莊 棗科 大吳家莊 吳家拐 榮家村
牛家村 小河寨 大猛村

臨河莊轄二村 至州四十里

馬頭村 臨河寨

臨波莊轄三村 至州三十里

徐家寨 胡家村 前五牌村

市集附

東門

胡壯集二五七〇日

戶部寨集一三五七九日

清河頭集一三五七九日

柳下屯集二四六八〇日

開州志

卷之一

地理 莊村

三十六

文留集一三六八日

南門

八公橋集一四六九日

徐鎮集二四七九日

習城集二四七九日

慶祖集一三五七九日

呂邳店集二四六八〇日

兩門集二四六八〇日

大桑樹集二四六八〇日

五星集二四七八九日

司馬集一三五七九日

保安集三五八十日

西門

焦二寨集二四六八十日

王助集每日集

井店集一三六八日

北門

夢科集三五八十日

白倉集一四六九日

關隘

開州志

卷之一

地理 關隘

三十七

土樓鎮

在州西方輿紀要劉宋永初末北魏將奚斤

等拔宋滑臺進擊翟廣于土樓破之九域志澶州臨河

縣有土樓鎮

古定鎮

在州東南六十里舊志舊置巡司俗稱小濮

州

慶祖堡

在州南二十五里

井店堡

在州西北五十里一統志衛硝二河列其左

右通志作井寨堡

呂邱堡

在州西南五十里

柳下屯堡

在州東

文留堡 在州東

八公橋堡 在州東南

徐鎮堡 在州東南

斂孟聚 在州東南左傳僖公二十八年晉侯齊侯盟于斂孟杜預注衛地史記作斂孟聚卽此也說文聚會也後漢書郡國志雜陽有上程聚中牟有曲遇聚長安有細柳聚皆此類也

斗門 在州東南方輿紀要唐元和十二年陳許帥李光顏討淄青叛師李師道攻擊濮陽收斗門社莊二屯又景福元年朱全忠擊天平帥朱瑄遣其子友裕將前

開州志

卷之一

地理 關隘

三十八

軍屯于斗門全忠至衛南朱瑄遣步騎襲擊斗門朱友裕走瑄據其營全忠不知復趨斗門爲瑄所敗

楊村 在州西南十五里方輿紀要舊時大河津要也五代梁貞明五年晉王存勗軍于德勝王瓚據晉人上游之十八里楊村夾河築壘造浮橋通漕饋運晉將李存進亦造浮橋于德勝以拒之旣而瓚與晉兵戰于河南岸敗走北城卽楊村北城也龍德初戴思遠悉率楊劉之衆襲晉德勝北城爲晉王存勗所敗走楊村尋復自楊村襲澶州不克唐同光初梁將王彥章攻德勝自大梁馳至滑州陰遣人具舟楊村乘流而下循

直趨德勝遂克南城既而進攻楊劉不克解圍西走楊村三年唐主自德勝渡河歷楊村戚城觀昔時戰處薛史楊村在濮陽之北濱大河蓋據舊濮陽言之也一統志今爲楊村舖

孫村 在州東北三十四里方輿紀要宋時大河決齧處也

曹村 在州西南方輿紀要亦宋時大河要口也

趙征村 在州東北方輿紀要村卽六塔河口一統志宋嘉祐元年六塔河決內侍劉恢往視還言河口乃趙征村于國姓御名有嫌大興畱鬪非便今其地名趙村

開州志

卷之一

地理 關隘

三十九

舖

古蹟

顓頊城 在州東左傳衛顓頊之墟也杜預注今濮陽城內有顓頊塚明統志顓頊城在開州城東二十五里一名東郭城又臨河廢縣東北三里亦有顓頊城舊志在東郭里又按府志曰顓頊城在古頓邨門外廣陽里中今在滑縣東北界去清豐縣治西南五十里許蓋舊本頓邨界而後特割隸滑清豐係古頓邨縣故誤入而開又以境地相接復誤入也

昆吾故城 在州東二十五里隋置詩商頌韋顧既伐

昆吾夏桀國語昆吾爲夏伯左傳哀公十七年衛侯夢于北宮有人坐昆吾之觀杜預注衛有觀在古昆吾氏之墟今濮陽城中漢書地理志濮陽本顓頊之墟夏后之世昆吾居之隋書地理志濮陽開皇十六年分置昆吾縣大業初入焉舊唐書地理志武德四年分濮陽置昆吾縣八年并入濮陽括地志昆吾故城在濮陽西三十里昆吾台在縣西百步寰宇記顓頊城在臨河縣東北三里隋于城內置昆吾縣昆吾台在城中高二丈濮陽故城 在州治西南二十里漢舊縣漢書地理志東郡治濮陽縣元和郡縣志濮陽縣東至濮州八十里

開州志

卷之一

地理 古蹟

四十

寰宇記晉天福四年詔移濮陽縣于澶州之南郭爲理所胡三省通鑑注五代以前濮陽在河南澶州治之濮陽晉天福四年移就澶州南郭者也

故德勝城

一統志在開州有南北二城今州治卽北

城也其地本名德勝渡爲河津之要五代梁貞明五年晉將李存審于德勝渡南北築兩城守之謂之夾寨梁賀瓌攻德勝南城不克晉王尋自魏州發徒數萬廣德勝北城自後梁晉相爭于此小大凡百餘戰石晉時契丹爲患遂移澶州跨德勝津寰宇記晉天福三年 舊澶州移于夾河造舟爲梁四年又移濮陽縣于州之南

郭漢乾祐元年移州治德勝寨故基周世宗又移今理
明統志德勝寨在開州南三里漢乾祐初自夾河移澶
州于此周世宗又遷于夾河與德勝寨南北相直故居
人有南澶北澶之目舊志宋初州治頓邱縣而濮陽縣
在州東門外景德初契丹入寇寇準勸帝親征駕至澶
州南城駐蹕準固請渡河御北城門樓蓋是時州治南
城也熙甯十年南城圯於水移北城惟以濮陽縣爲治
明初始省入州

臨河故城 在州東迤北三十里一統志漢黎陽縣地
後魏永安元年分置東黎縣屬黎陽郡北齊廢隋開皇

開州志

卷之一

地理 古蹟

四十一

六年置臨河縣屬汲郡唐武德初屬黎州貞觀十七年
州廢屬相州元和郡縣志臨河縣西北至相州一百二
十里其城卽春秋時衛築新城也寰宇記縣在澶州東
六十五里魏東黎縣也隋置臨河縣南臨黃河爲名唐
天祐三年屬魏州晉天福九年隸澶州文獻通考紹興
間臨河縣爲黃河水淹廢

澶水故城 在州西二十里一統志本臨河內黃頓邱
三縣地隋開皇十六年置澶淵縣以南臨澶淵爲名屬
汲郡唐初避諱改曰澶水屬黎州武德四年屬澶州貞
觀元年澶州廢還屬黎州十七年省入臨河寰宇記廢

澶淵縣在臨河縣東四十里

五鹿城 有二一在元城一在州南左傳僖公二十二年晉公子重耳過衛出于五鹿乞食于野人杜預注五鹿衛地水經浮水故瀆東逕五鹿之野注晉文公受塊于野人卽此處也寰宇記五鹿城在濮陽縣南三十里浚城 在州南詩衛風在浚之城水經注濮水枝津東逕浚城南北去濮陽三十五里干城 在州北詩衛風出宿于干漢書郡國志衛國縣有竿城水經注河之西岸有竿城蓋卽干城之訛也今州北有干城村

開州志

卷之一

地理 古蹟

四十二

須城 在州東二十八里詩衛風思須與漕是也

鹹城 在州東南六十里春秋僖公十有三年同會于

鹹文公十有一年敗狄于鹹定公七年齊侯鄭伯盟于

鹹杜預注鹹衛地濮陽縣東南有鹹城後漢書地理志

濮陽有鹹城或曰古鹹國

戚城 在州北春秋文公元年公孫敖會晉侯于戚杜

預注戚衛邑在頓邱衛縣西水經注戚衛之河上邑漢

高帝十二年封將軍李必爲侯國括地志故戚城在澶

水縣東三十里寰宇記在澶州北十里明統志在開州

北七里

圍城 在州東左傳襄二十六年衛孫林父以戚如晉衛人侵戚東鄙孫氏愬于晉晉戍茅氏衛人伐之孫蒯追敗之圍杜預注圍衛地

懿城 在州西北左傳襄公二十六年晉討衛疆戚田取衛西鄙懿氏六十以與孫氏杜預注戚城西北五十里有懿城因姓以名城也

鉏城 漢書郡國志濮陽有鉏城按羿始封於鉏後遷於窮石鉏在衛南縣東

昌胡城 在州東北岳村里舊志今爲昌胡村古河口距城二十五里卽臨河縣地宋史河決昌胡始廢臨河

開州志

卷之一

地理 古蹟

四十二

今半入滑

皇城 在州城西南通志宋真宗駐蹕處內有離宮文彥博嘗刻御題幸澶淵詩于其中

帝邛 在州東春秋杜預注帝邛今東郡濮陽縣唐會要麟德二年發東都赴東嶽至濮陽上問丞相竇德元曰濮陽爽塏信良邑也古謂之帝邛何也德元不能對禮部尚書許敬宗策馬前曰臣能知之昔者顓頊實居此地以王天下其後昆吾氏因之至春秋時衛成公自楚邛徙居之旣是顓頊所居故謂之帝邛

旄邛 在州西詩旄邛之葛兮寰宇記在臨河縣東

清邛 在州東南七十里春秋宣公十二年同盟于清邛杜預注清邛衛地在濮陽縣東南水經注瓠瀆又東南逕清邛北京相蟠曰在濮陽縣東南三十里魏都尉治元和郡縣志在臨濮縣西三十五里通鑑後唐同光元年李紹興敗梁遊兵于清邛驛方輿紀要清邛在州東南三十里邛高五丈

鐵邛 在州北春秋哀公二年晉趙鞅及鄭罕達戰于鐵左傳趙鞅納衛太子于戚與鄭戰衛太子登鐵上望見鄭師衆自投車下杜預注鐵邛名在戚城南水經注河水東逕鐵邛南五代史晉開運二年閱馬于鐵邛

開州志

卷之一

地理 古蹟

四十四

瑕邛 在州東南義井里禮記檀弓公叔文子升瑕邛蘧伯玉從文子曰樂哉斯邛也寰宇記瑕邛在濮陽縣東南三十里高三丈舊志瑕邛在州南十八里高五丈縱橫十五丈西附小邛高三丈嘉慶十年知州李符清建二賢祠於邛東又建與樂軒三楹於小邛上有瑕邛記載藝文志

延邛 在州東南文岡里寰宇記在縣東南十里延陵季子適衛憩此

泥中 在州南詩衛風胡爲乎泥中毛傳泥中衛邑名昔黎侯失國寓于衛居此

龍淵宮 在州西南漢書武帝紀元光三年河決濮陽泛十六郡發卒十萬救決河起龍淵宮水經注河南有龍淵宮蓋起宮于決河之旁龍淵之側故曰龍淵宮也寰宇記宮在濮陽縣東十里又縣西南八里有赤龍渦有決口故道蓋古之龍淵也非築宮之所舊志在州南別駕里

宣房宮 在州西南史記河渠書塞瓠子築宮其上名曰宣房漢書作宣防防與房古字通舊志在州西十七里瓠子隄上

潛龍院 在舊澶州城內寰宇記後唐明宗宅後爲僧

開州志

卷之一

地理 古蹟

四十五

院名勝志後唐明宗與宋太祖兄弟俱隱跡于此先名御店宋徽宗改爲潛德觀

重華台 在州南九域志開德府有衛靈公台亦曰重華台寰宇記靈公坐重華之台侍御數百仲叔圍諫乃出宮女民大悅

柳下堆 在州南八公橋四里許相傳爲和聖墓明勢家劉松潭以春秋供祀殷繁移堆前石記于劉家大寨古堆前後碑露因以彼處爲和聖墓而柳下堆之祀遂廢

韓信堆 在州南相傳爲信戰項羽所築

大賢店 在州北三十五里舊名孟軻相傳孟子曾設
鐸于此知州張極以大賢名不可名村故改之

楚王台 在州南一統志相傳項羽追章邯于濮陽駐
軍于此後人因立此台

烽火台 在州東南舊志澶濮間濱河遠近多有土台
連絡相望蓋皆五代及宋初所築以備契丹處

咸城霸台 在州東南四十里外咸城舊址之西北齊
桓公會諸侯封衛救邢處也

披雲樓 在州署後宋帝幸澶淵時登臨望契丹兵處
濮陽樓 在州治前通志改澶州爲開德府時置

開州志

卷之一

地理 古蹟

四十六

愛景堂 在州城內一統志宋何承矩建

長樂亭 在州長樂里曹村莊舊志相傳顓頊避暑亭
長樂春容爲州八景之一多題咏

瑤碧亭 在州治西南一統志五代時建

臨河亭 在州境宋史真宗紀駐蹕澶州建浮橋登臨
河亭賜澶父老錦袍茶帛

仰山亭 在州治南舊志州同潘墳建祀汲黯王彥章
程明道諸公并爲之記

觀鳧亭 在州治杏花岡舊志知州朱紱建

療鶴亭 在州署內舊志知州尹耕建有記知州宋訓

重修有記知州孫榮重修

迴鑾碑 在州治南有碑亭舊志明崇禎六年知州唐鉉重建

昭德里 在州治名勝志宋太子少傅晁迥所居

賞蓮亭 在州清河店西南隅

亦樂堂 元楊崇喜建

喜雨亭 在黑龍潭

晁園 在西湖旁明司業晁璫別業

紅翠山莊 明大理寺卿史褒善別業

陵墓

開州志

卷之一

地理 陵墓

四十七

顓頊陵 在州西左傳衛顓頊之墟也杜預注今濮陽

縣有顓頊塚後漢書郡國志註濮陽城內有顓頊塚名

勝志高陽縣城北一里有顓頊塚相傳爲衣冠所葬宋

史禮志徽宗政和二年定歷代帝王陵寢祭高陽氏于

澶州明史禮志洪武四年諭中書省考歷代帝王陵寢

禮部定議滑縣祭顓頊又考會典河南滑縣祭帝顓頊

高陽氏則顓頊陵在滑縣無疑載籍所傳蓋以境地毗

連互相牽誤也

顓頊太子墓 在州東南三十里槐家莊廣袤二十餘

畝高二丈許

衛康叔墓 在州北通志魏書地形志衛國有衛康叔塚

柳下惠墓 一統志在州東南大寨村舊志明萬曆中知州沈堯中特表其處建碑增祀

展雄墓 在州東展邛里舊志相傳卽柳下惠之弟

蘧子墓 在州南蘧村按班昭東征賦蘧氏在城之東

南兮民亦尚其邛墳伯玉墓似在長垣又攷三國魏志

濮陽王袞疾因勅令官屬曰昔衛大夫蘧瑗葬濮陽吾望其墓常想其遺風願託賢靈以弊髮齒營吾兆域必往從之袞受封濮陽較班氏得之道途者所見尤確則

開州志

卷之一

地理 陵墓

四十八

伯玉墓應在州境無疑特年代久遠碑誌無存嘉慶九年州人始蹤跡得之知州李符清加封樹並建拜亭三楹旁列廊廡繚以周垣規制爲備有記載藝文志

仲子墓 在州北魏書地形志衛國有子路塚明統志

子路墓有三一在清豐縣西南三十里一在開州北三十里一在長垣縣北三里舊志一在州北戚城之東門外有正大高明坊享殿三楹四壁題咏甚多東西廡庖湢皆具明正德二年知州譚綬重建唐錦有記嘉靖三十年御史吉棠命知州張寰重修立賢裔奉祀嘉靖三十七年知州周道光重修楊儲撰碑泰昌元年御史周萬

鎡檄州立仲姓奉祀生一人捐金修墓州尚書董漢儒有記一在清豐縣西南二十里趙讓村一在長垣縣東關外河南滑縣志亦有子路塚按孔悝之難趙鞅納蒯瞶于戚子路死難得其首葬焉墓應在州境至長垣卽子路治蒲處邑人思而葬其衣冠事或有之清豐滑縣則境壤相接而沿悞也

閔子墓 在州南百里地名損城舊志按闕里志弟子傳閔子騫魯人卒葬騫山之陽在今鳳陽府宿州北七十里又府志閔子終身不求仕何以客死而葬于此今濟南有閔墓當是東明志亦載縣西二十里有閔墓或

開州志

卷之一

地理 陵墓

四十九

曰皆葬衣冠之地也

段干木墓 在州東南三十里主布莊

孔悝墓 寰宇記孔悝墓在頓邱縣北三里通志在開

州西

按舊志孔悝墓或云在戚城蓋嘗登戚城見其東有二墳高如小邱詢之士人云孔悝及其母衛良娣墓然石碣已失未知確否今仍誌之以備參考

婁敬墓 在州東南名勝志漢婁敬墓在州東南六十里

汲黯墓 在州西南寰宇記在濮陽縣西六十里黯自

淮陽太守歸葬于此按府志地當滑縣界今春秋祀祭皆在開州與柳墓同

五女墓 在州境臨河廢縣西三十里寰宇記五女墓

高五尺在縣西北三里淳于公有五女公卒葬之于此

漢書刑法志文帝十三年齊太倉令淳于公犯罪當死公乃歎曰生女不生男緩急非有益其女緹縈隨父至長安上書求入爲官婢贖父刑帝感之除肉刑赦淳于之罪後卒五女共葬于此

吳隱之墓 在州西轟堦村

王彥章墓 在州南徐鎮里一統志一名忠陵

開州志

卷之一

地理 陵墓

五十

石守信墓 在州城東南石家店村

王棣墓 在州東門內金沙山

杜欽墓 在州南門外迤西距城二里許舊志至正間

欽爲州錄事歿葬于此

明道郎真人墓 在州洪洋山

郭嘉墓 在州郭家寨

李家奴墓 舊志元贈冀國公

于解元墓 舊志名慶嘉靖中知州周道光給墓田立石

大理寺卿李珣墓 在州西六里舊志嘉靖二十九年

勅建

尚書趙廷瑞墓 在州西南三里舊志嘉靖三十年勅建

尚書王宗慶墓 在州東南三里舊志嘉靖四十四年勅建

尚書董漢儒墓 在州西南五里舊志崇禎二年勅建
都督白進寶墓 在州小城村劉家隄口

大理寺正御史竄善墓 在城西李家莊
簽都御史侯英墓 在侯五星

副都御史紀著墓 在胡家寨

開州志

卷之一

地理 陵墓

五十一

大理寺卿王縉墓 在土壘頭

風俗

左傳衛多君子

史記貨殖傳俗近梁魯微重而矜節

前漢書地理志衛俗剛強多豪傑侵奪薄恩禮尚氣力
後漢書地理志剛武尚氣力

方輿勝覽尚推遜務勤儉

澶淵登科記人人知本農桑勸學校

澶淵舊志俗尚義概有古推遜之風又云好學而樂善

舊志州之民便稼穡安土著急于公賦不任商賈逐末

仰射機利又地處平陸無舟楫轉輸五方之賈亦不以時至故俗安樸嗇無淫巧奇袤之習卽衣冠宮室婚媾喪葬燕會贈遺未有靡麗繁侈如江浙間也至刁頑樂訟間里狡猾或間有之亦千百之什一耳誠以其愿慤而漸于仁以其樸儉而馴以禮幾于鄒魯之風不難至縉紳先生能敦行誼樂名教不撓當事之法出入里中不乘輿張蓋頗爲近古當明成宏嘉隆之際仕宦多有躋臺閣歷卿寺者或以政事著或以氣節顯今雖閱閱科名視前少遜而流風餘韻猶未墜也若士人專攻帖括制舉而外少所涉獵失之樸魯者有之失之浮夸者

開州志

卷之一

地理 風俗

五十二

未之有也夫習俗易于波靡猶江河之日下能拯流極而挽頽風深有望于後之牧斯土者
祥異

漢

元光元年六月河決濮陽汜郡十六
本始二年河決宣房
建始四年秋大雨十餘日河大決東郡金隄
建光三年黃龍二見東郡濮陽
建光四年正月黃龍二麒麟一見東郡濮陽

晉

太康三年濮陽雨雹傷禾稼

隆安元年六月歲星在棗壁

北魏

元象元年濮陽獲白兔

五代晉

天福六年河決澶淵

開運三年九月河決澶州

宋

建隆元年澶州旱蝗

建隆四年六月澶州蝗

開州志

卷之一

地理 祥異

五十三

乾德元年澶州饑

乾德三年秋河決澶州

乾德四年澶州貢麥兩歧至六歧者凡一百七十五本

開寶元年澶州大水州民謝興妻一產三男

開寶二年澶州水害秋禾

開寶四年河決澶州壞民廬舍

開寶五年澶州蝗河大決

開寶六年秋澶州水傷田

開寶七年六月澶州河決

開寶八年六月河決澶州

太平興國二年河漲澶州壞英公村隄七月河決八月大水

太平興國四年九月澶州河漲

太平興國七年澶州龍衛軍卒靳興妻一產三男

太平興國八年五月河大決滑州經澶州浸民田壞廬舍

雍熙四年澶州黃河清三百里

端拱元年正月澶州黃河清二月河清二百餘里

淳化四年十月河決澶州陷北城壞廬舍千餘區

咸平元年澶州靜戎軍卒鄭穗妻一產三男

開州志

卷之一

地理 祥異

五十四

景德元年九月河決澶州橫隴埽

景德二年河決澶州

景德四年河決澶州壞王八埽

景德六年八月河決澶州

大中祥符七年八月河決澶州大吳埽

大中祥符九年十二月澶州霜害稼

天禧三年六月滑州河溢經澶州

天禧四年九月澶州霜害稼

天聖六年河決澶州王楚埽凡三十步

景祐元年七月河決澶州橫隴埽

景祐三年十月澶州橫口料物場火

嘉祐元年四月塞商胡復決

熙甯四年河溢澶州曹村

熙甯十年秋河大決澶州故道遂絕

元豐三年孫陳埽及大吳小吳埽決

元豐四年小吳埽復決

元符五年澶州芝草生

元

延祐元年三月隕霜殺桑果及禾苗

至正二年十二月太白歲星熒惑三星聚于室

開州志

卷之一

地理 祥異

五十五

開定元年開州河溢

明

洪武元年大水

宣德六年霪雨傷禾

正統元年大水決隄沒田

正統十年夏六月大水傷稼

景泰八年大旱禾盡稿

成化九年大水

成化十八年大水

成化二十二年大旱饑人相食

正德九年五月大雨雹

正德十三年大水臨河城靳氏女面生鬚翦之復出

正德十五年春三月大風拔禾

正德十六年夏霪雨無禾

嘉靖二年三月大風晝晦夏旱秋霪雨死者甚衆

嘉靖五年五星聚于營室十一月星隕如月向西北去

良久乃滅空中有聲如雷十二月地震

嘉靖六年三月不雨六月乃雨

嘉靖七年春旱

嘉靖九年大有年

開州志

卷之一

地理 祥異

五十六

嘉靖十年三月不雨六月乃雨

嘉靖十三年夏六月朔迅雷雨雹

嘉靖十四年蝗

嘉靖十五年蝗傷稼

嘉靖十七年旱秋大雨

嘉靖十九年秋蝗害稼民大饑

嘉靖二十六年河水溢没田廬殆盡

嘉靖二十七年大水

嘉靖二十八年大旱無麥

嘉靖二十九年旱蝗害稼

嘉靖三十年大水饑

嘉靖三十一年大水

嘉靖三十二年旱秋大水

嘉靖三十三年大饑

嘉靖三十四年春旱夏六月大水蝗

嘉靖三十六年夏旱秋漳衛水決

嘉靖三十八年夏大風拔禾毀官民廬舍

嘉靖四十二年春大旱蟲食桑葉無蠶

隆慶元年秋大水沒民田毀西城樓

萬曆五年秋大雨傷禾八月彗星見于西南兩月始滅

開州志

卷之一

地理 祥異

五十七

萬曆十一年旱蝗

萬曆十三年大旱

萬曆十五年大旱

萬曆十六年大饑夏大疫

萬曆十八年春正月州署災三月三日大風晝晦

萬曆二十年大水壞城北門

萬曆二十三年冬無雪

萬曆二十四年春夏大旱

萬曆二十七年大饑

萬曆三十年夏大旱

萬曆三十四年四月大旱六月飛蝗

萬曆四十五年夏旱

萬曆四十六年夏旱

萬曆四十八年旱蝗地震

崇禎三年三月黑風晝冥

崇禎六年除夕雷電雨雹

崇禎七年夏五月雨雹

崇禎九年大水

崇禎十一年蝗飛蔽日

崇禎十二年夏四月旱六月飛蝗害稼

開州志

卷之一

地理 祥異

五十八

崇禎十三年大饑

崇禎十四年大旱飛蝗食麥夏大疫

崇禎十五年麥不熟

崇禎十六年秋蝗不爲災

國朝

順治二年秋大熟

順治三年春麥大熟夏旱

順治九年河決荆隆口沒州東南境田廬

順治十一年地震

順治十五年饑

康熙元年麥大熟秋七月靈雨

康熙四年旱

康熙七年六月地震

康熙九年旱

康熙十一年夏蝗不爲災秋大熟

乾隆元年丙辰夏四月麒麟產於州南高家莊今城北

演武廳西有瑞麟塚

乾隆四年九月李家村邵士有妻賈氏一產三男

乾隆十六年荆隆口決河沒州文留習城諸村田廬

乾隆三十二年六月地震

開州志

卷之一

地理 祥異

五十九

乾隆四十九年四月初十日大風晝晦

乾隆五十一年春大饑

乾隆五十二年秋蝗不爲災

嘉慶六年東竇家莊民李俊武妻尚氏一產三男

嘉慶十三年州民許同之妻崔氏一產三男

嘉慶十六年辛未旱

嘉慶十七年壬申旱無麥禾

嘉慶十八年癸酉大饑人相食

嘉慶二十年乙亥大有年

嘉慶二十四年己卯十二月漳衛水溢災

嘉慶二十五年趙玉書之妻高氏一產三男

道光元年辛巳水

道光二年壬午大疫

道光五年乙酉春夏旱二麥無收秋七月始雨雹傷禾

稼九章村种世祿之妻趙氏一產三男

道光六年丙戌春大旱紅風蔽日二次黑風三次晝晦

黃風二十七次蔽日如前夏六月蝗生徧野各村受災

道光八年城西大街桂榮妻一產三男

道光十年庚寅閏四月二十二日戌時地大震有聲如

雷自西北而東南二十六日子時小震六月初十日午

開州志

卷之一

地理 祥異

六十

時又震

道光十一年辛卯大疫冬大雪臘月十一日連雪三日

平地深五尺許果樹凍死幾盡

道光十三年癸巳河南滑縣屬渭南灌河溢流入州境

梁二等二百八十七村被淹秋禾歉收生員程官聯妻

桂氏一產三男

道光十五年乙未秋飛蝗害稼

道光十六年丙申蝗災

道光十八年戊戌青蟲食穀葉殆盡秋不收

道光二十年陳永魁妻董氏一產三男

道光二十一年辛丑黑毛蟲食秋稼遂不收城馬莊王
二猴頭妻一產三男

道光二十二年壬寅州東王家莊等五十九村蝻蟲殘
食禾葉秋收無害曹希閔妻吳氏一產三男

道光二十三年癸卯夏麥秀兩歧

道光二十五年大旱禾稼枯槁

道光二十七年丁未大旱秋蝗生徧野害稼

道光二十八年戊申大有

咸豐五年六月銅板廂口河決溢入州境州南數百村
田廬人畜皆被漂沒至今仍未入故道尚受其害

開州志

卷之一

地理 祥異

六十一

咸豐六年州南鄭家寨等二十餘村蝻孽萌生官飭各
村夫役周圍撲捕淨盡禾稼無害

咸豐七年州南慶祖及西南焦二寨等莊蝻孽萌動官
督飭夫役撲打並設廠用義倉穀換買秋禾無碍

咸豐十年州境關家莊等六百八十八村被黃水漫溢
成災焦二寨秦善政妻楊氏一產三男

同治元年七月二十二日巳時雷震地裂自城西大屯
村至王助寬約七尺或五六尺不等州南花園屯等莊
飛蝗停落秋禾無碍

同治二年正月初十日楊花滿地二十日後桃花杏放

二月雨雪尺許麥半凍死六月河決司馬集州境被水者百餘村

同治四年正月十三日雷雨雪皆土色夏生飛蝗州牧損資收買蝗不爲災關家莊等一千零四村被黃水漫

淹成災

同治六年州境關家莊等一千一百四十七村被黃水漫淹成災

同治七年州境于州屯等一千一百二十一村被黃水漫淹成災

同治八年州境任家樓等莊七百十三村被黃水漫淹

開州志

卷之一

地理 祥異

六十二

成災東南劉樓莊飛蝗停落官爲設場收買並督飭夫役捕捉七月十五日流星向西南如雨有聲

同治九年州境南周寨莊等五百五十九村被黃水漫

淹成災

同治十年州境孫寨莊等二百六十二村被黃水漫淹成災

同治十一年州境孫寨莊等一百七十二村被黃水漫淹成災

同治十二年州境前柿子園等莊一百七十二村被黃水漫淹成災

同治十三年州境司馬集等莊一百九村被黃水漫淹
成災

光緒元年州境齊家海等莊二百七十二村被黃水漫
淹成災

光緒二年州境馬家海等一百二十一村被黃水漫淹
成災州民李世泰妻陳氏一產三男溫邢堦梁希顏妻
趙氏一產三男

光緒三年州境馬家海等莊八十七村被黃水漫淹成
災十二月初十日初更時火光如斗自西北向東南有
聲如雷

開州志

卷之一

地理 祥異

六十三

光緒四年大疫旱饑人有餓死者西方尤甚或逃至此
多填溝壑九月大雨十餘日河決茅茨莊州境被水者
百一十餘村

光緒五年五月十二日地震坑水有漾出者州境鐵刀
廟等莊九十二村被黃水漫淹成災馮安頭村馮三麻
妻李氏一產三男

光緒七年四月間大屯村杏開梨花六月二十八日王
助集雷震地裂寬約二尺
兵燹

周

襄王二十六年晉師伐衛取戚

頃王三年冬十月甲午魯叔孫得臣敗狄于鹹

簡王十四年諸侯之師會于戚

靈王二十五年春二月晉會諸侯于澶淵以討衛取衛

西鄙懿氏六十以與孫氏甲午衛人侵戚東鄙晉戍茅

氏衛人伐之孫 追敗之圍

敬王二十七年春晉趙鞅帥師納衛世子蒯聩于戚秋

八月甲戌晉趙鞅帥師及鄭 達帥師戰于鐵

敬王二十八年春齊國夏衛石曼姑帥師 戚

秦

開州志

卷之一

地理 兵燹

六十四

二世二年項梁使項羽與沛公西破秦章邯軍于濮陽

東

漢

王莽居攝二年東郡太守翟義與嚴鄉侯信謀舉兵誅

莽立信爲天子莽遣孫建等七人攻 翟義于 城破

之

王莽居攝四年赤眉掠楚沛汝南潁川還入陳留攻拔

魯城轉至濮陽會更始都洛陽遣使降之

建武三年吳漢率陳俊王梁擊破五校賦于臨平追至

東郡箕山大破之

初平元年白波賊寇東郡

初平二年曹操攻黑山賊于濮陽破之

興平元年曹操攻陶謙使陳宮將兵屯東郡宮以其衆
潛迎呂布爲徐州牧據濮陽操還與布戰相持百餘日
會歲旱食盡乃各引去

興平二年臧洪爲東郡太守怨袁紹絕勿與通紹興兵
圍之歷年不下

晉

永嘉二年八月丁亥東海王越自鄆城遷屯于濮陽
建興三年石勒陷濮陽殺太守韓宏

開州志

卷之一

地理 兵燹

六十五

南宋

永初三年北魏將奚斤等拔宋滑臺進擊翟廣于土樓
破之

北魏

永安元年光州民劉舉聚衆反于濮陽自稱武皇大將
詔大督都宗正珍孫討平之

東魏

天平四年濮陽民杜靈椿反刺史高季式禽之

唐

天寶十四年濮陽人尚衡起兵討安祿山

元和十二年李光顏討李師道攻濮陽收斗門社莊二屯

文德元年朱溫遣朱珍救魏破黎陽臨河李固分遣聶金范居實等略澶州

文德二年朱全忠救樂從訓于內黃下臨河鎮

大順元年朱全忠將丁會侵魏博渡河取黎陽臨河

五代梁

乾化元年晉遣周德威趨澶拔夏津澶州刺史棄城走
乾化二年晉遣周德威將三萬人會鎮定之兵以攻燕
自祈溝關入其澶涿武順諸州

開州志

卷之一

地理 兵燹

六十六

貞明元年晉人襲澶州八月劉潯引兵襲晉陽不克還
取澶州

貞明四年晉王存勗攻梁濮陽拔之尋棄不守

貞明五年晉敗梁兵於河南岸復乘勝拔濮陽梁命王
贊爲北面行營招討使時晉已城德勝寨贊自黎陽攻
澶州不克

龍德元年冬十月天平軍節度使戴思遠及晉人戰於
戚城敗績

龍德二年梁襲晉魏州不克攻德勝北城

龍德三年夏五月以王彥章爲招討使圍德勝南

之攻楊劉不克乃還

五代唐

同光元年段凝將軍五萬營于王村自高陵津渡河剽掠澶州諸郡

五代晉

天福三年晉主懼楊光遠難制分置永清彰德二軍于相貝之間而徙澶州城跨德勝津

天福九年春契丹入寇出帝北征相距澶魏之間

開運元年春丙戌契丹寇黎陽辛卯講武于澶州三月癸巳及契丹戰于戚城契丹去伏精兵于古頓邳城掩

開州志

卷之一

地理 兵燹

六十七

擊晉軍轉寇澶州詔劉知光擊敗之

開運二年契丹寇相州詔趙在禮屯澶二月帝親征至澶州四月始還

五代漢

乾祐三年十一月郭威舉兵南向隱帝議出師禦之遣侯益及張彥超等守澶州十二月郭威北伐契丹至澶州爲軍士所擁遂自立而還

宋

景德元年契丹寇澶州帝自將禦之渡河次澶州及契丹盟而還

靖康二年帝在澶州宗澤引兵自大名至開及金人十
三戰皆捷

建炎二年金人陷開德府守臣王棣死之遣韓世忠范
瓊領兵至東平開德府分道拒戰

金

收國元年夾谷撒喝取開德

天會四年宗望至河上降魏縣諸軍渡河攻開德府克
之

天會六年宗弼攻開德府以其軍先登奮擊破之

貞祐三年詔開滑諸州置連珠寨

開州志

卷之一

地理 兵燹

六十八

興定四年元遣楊在攻開州

元

至順十八年河南盜入境殺掠吏民州人江西廉訪僉
事伯顏師聖家居避賊渡漳河賊追逼于磁州師聖不
屈死之

明

正德六年薊盜劉六劉七衆數萬攻東明犯州境多所
殺掠

大啟元年山東白蓮教侵州境知州董象恒禦之賊奔
軼出境

崇禎十三年盜大起東至濮州西至滑濬北至大名內黃村舍灰燼十一月土賊袁時中率賊萬餘攻城正定營弁周爾敬周圖戍州出南門擊敗之又有賊千餘據城頭圖還兵攻之賊始滅州同郝之榮死于城上州人死者甚衆

國朝

順治元年三月流賊兵入城置僞官

時鄉宦張抑之王懷董鉢劉慶長皆

被勒索 五月

大兵定京師僞官遁去土賊繼起千戶張光聚賊劫掠由聶堦至開州自北門入逐門搜掠八月總兵土國寶同中

開州志

卷之一

地理 兵燹

六十九

軍白進寶擣張光巢克之屠其衆光逸去又東攻杜堦賊穴獲光弟及其黨高基等斬之賊由是平

順治四年山東丁鳴吾引衆寇開州知州楊天祐禦之射鳴吾中脇死并殲其弟餘賊遁去州判謝仕朝爲賊

所殺 以上錄舊志

嘉慶十八年滑縣白蓮教匪李文成牛亮臣等作亂侵入州境焦二寨柴村慶祖集等村多所殺掠王秀竹蕭克選等俱以鄉勇勦賊死匪黨朱秀章聚衆於單家寨張清河田繼鳳等亦死於賊州城戒嚴至十月初十日楊忠武遇春勦賊盡殲於滑縣城中州境始定

道光二十七年八月二十七日有山東盜匪五十餘人從八公橋西去知州毛永柏率壯丁捕役追之及滑界善塘斬獲七人

咸豐十一年開州土匪卞起元勾結山東捻匪易和尚王來鳳等於四月十八日圍州城是時城中文武各官分守四城率在城紳董嚴查出入各街紳民除捱戶派人帶領逃民登城守陴外餘俱持兵分守各巷口往來巡查夜間多掛燈籠如有急信各巷口遞傳頃刻城中徧知有匪人爲賊內應者或以抹臉爲號或以臂爲號或以襟頭紅繩爲號俱謀知之計不得行其帶火藥

開州志

卷之一

地理 兵燹

七十

及投毒於井者俱被搜獲稟官殺之城上開銅礮擊賊賊始退去而州屬村莊焚掠幾徧於是四鄉互相團練先是三月間小白旗賊由清豐掠楚旺及反侵州北境至城下留一日去四月圍城後又屢竄擾滑濬內汲淇新鄉湯陰延津封邱長垣等縣州南習城焦邱等村爲賊往來之衝至十二月宮保勝帶兵至開州東追賊殲諸河上賊始平